

畧陽縣誌卷之五

畧陽縣知縣晉襄垣李遇春編輯

太

學

生

李東甲校補

題詠

漢

李會守興州詠

雲截山頭天上去鳥拖霞影日邊來

唐

房武守興州詠

雲拖雨過連天去
樹夾河聲送郡流
杜甫挽忠烈吳公祠

澤流蜀水終生潤
春放秦山謾弄研

鄭谷挽詠

當時許國知多少
朝祠興州有幾人

杜甫遊靈巖

佳時易失閑難得
有酒重來莫厭頻

郡守揚粹中青泥驛詠

山猶連蜀道人已作秦音

陸務觀詠嘉陵江

柳花漠漠嘉陵岸
別是天涯一斷愁

宋

李虞卿詠青泥嶺

上嶺渾如魚貫柳
下山恰似鴈排空

楊繪詠興州風景

朱攔明綠水
古柳照斜陽

文章

重脩縣治碑

太僕寺卿商山南鏗撰

畧陽爲川陝之限窮谷堪巖素稱不易治正德戊辰盜起通已越明年蔓延至是破城廓焚廬舍民罹禍者殆什之六七其奔潰投區者又顧戀鄉土號哭道路聲震原隰盜既平人無所于歸訛言累興上下危之未幾四川馬君來令茲土始至與民約曰若苦盜賊乎曰然曰出汝力保汝生何如曰以逸從我我罔敢不奉命遂撥拾煨燼曲方規措之凡土石磚甃之屬不兩閱月而川委雲集度可舉事乃庀匠民傭庶工脩城以磚衣木以鐵城四

隅各建以樓城上爲屋覆以陶瓦可通巡警與廟學壇壝藩臬館署縣治鋪舍次第以成咸歸于度視舊有加焉經始于正德八年正月十五日落成于正德十年八月初一日邑之縉紳走价徵余爲記余惟士君子之爲政處全盛之時易爲力處懷極之時難爲功顧盛衰有期通變有數斯固天也君當兵燹之餘乃能芟其蕪去其穢逸其人因其地復其天人之所難而爲之甚易非有剴煩理劇之才孰克致此見君之作知君之志君之去毒以

置安豈不欲而成化擇殘以就美豈不欲除害而佑之則茲舉也匪尋常土木之工可比是宜書也君翔以鴻臚序班陞今職未二年自巡撫任公而下俱有論薦畧陽之人恒恐其遷擢而去也余備負粉署時與君同朝且有斯文之誼故不辭而爲之書

重脩儒學碑

提督學校副使何景明撰

正德己卯春餘董學事由徽州入峽浮白水江下畧陽視其城中卑江水西來衝之多激流迅湍歛

圻岸而學宮正居其卑夏縣書報江溢大水城陷學宮悉沒副使寧波呂君克終時按治關南迺行縣躬詣其地視之則堂壇塾爲沮洳殿廡盪於沙石矣遂集衆謀曰茲地卑甚不可復集即終能免患邪於是使同知何子奇率學官張繡諸生羅江劉儀等改卜相其利宜圖爲久遠獲地于縣治之北抗厰可宮考兆曰吉僉謀畢諧君乃擇秦漢中衛知事金坡治其工又發贖金三百餘附之坡程諸匠作鑿石伐材拓荒闢穢經始於庚辰夏五月

又五越月而卒其役凡爲宮室殿五楹廡東西各八楹戟門三楹櫺星門三楹鄉賢名宦祠各一楹堂三楹齋東西各三楹儀門三楹學門三楹東西號房各十一楹其餘牲所神厨廩庫咸備右高爲廟左下爲學崇卑就列嚮背因形據題約制輪奐飾觀

聖靈既安賢才斯萃爲君思創樂成猷厥終始乃令教諭李崇實狀列其事請紀諸石按志云畧地自漢歷唐宋爲沔州隸興元府元徙州治于鐸水改

畧陽爲縣隸之至正十年縣令李舜臣建學于縣治北 國朝改沔州爲縣與畧陽俱隸漢中府洪武四年縣丞葉禮徙學于縣治東北正統十三年大水學宮壞教諭譚志學脩之成化四年又大水學宮又壞知縣李鑑脩之坡之開茲地也掘土得古碑視其記實李舜臣徙學故地也粵自葉禮改徙之後迄今凡三遭大水而後徙徙地仍復其故云豈非得數哉夫禮義之俗成於富厚忠敬之道可施蠻貊畧陽爲古羗氏之域至文王布岐周之

治行江漢之化其風氣已開文命漸被實矧由數
代以及我 明治化惇裕之盛則風尚移易其有
已乎然百餘年來人物聲名尚未底于顯融豈以
僻處梁雍之間乎亦由屢兵荐沴後繁生鮮而挾
冊鼓篋之徒不得以隆其業也呂君奉

上命蒞關南拊循其民簡練其卒厚農薄斂安寇清
刑然後興廢舉墜脩學敦教獎官師勵人士以行
其政教焉孔子曰足食足兵民信之矣余於關南
庶其見之昔文翁興教相如爲師蜀之有學蓋

於此今茲之建是宅阜隆以降湍悍構造維新地
復其舊天相人協理臻勢會肆寧厥居寔惟永觀
俾俎豆之事表于西南弦歌之音流于漢沔文翁
罔專美矣世必有考畧陽之學究其文物所從來
者則呂君功德何可以弗著哉何可以弗著哉

重脩文廟碣

訓導曹燮撰

縣學有文廟制也所以妥先聖之靈昭尊崇之典
致報本之誠者在是是可忽焉而不知所重哉畧
陽有學舊矣厥初創於縣城東北隅其地卑下

國朝以來三罹水患正德癸亥始卜遷於此高亢
宏敞誠爲得所第迄今餘三十年而殿廡門闕亦
既就敝戊申冬西晉李公遇春奉命來守茲土
下車展謁顧瞻廟壞心甚不安閱數月即有脩復
之舉乃有因而不果矣延今辛亥夏淫雨決旬廟
殊大壞公惕然懼曰吾儕佩服

先聖之教叨享祿秩而廟壞至此豈可因循而不爲
之處也迺會計功程陶瓦運木儲灰積料卜日興
工諸凡所用悉自規畫措處未嘗動取公帑一物

經營一不疾不徐秩然就理易朽腐爲堅固飾
漫漶爲鮮明兩廡門重門翼然嚴整配哲神位舊
皆漫設無所憚今皆增置龕宇視前倍加周悉
雖曰重脩實勝始創則安神有位展敬有所官民
士夫瞻仰之餘耳目豁然心神快爽矧任是學業
是地者又寧不爲慶幸耶公自履任凡有敝陋輒
處置脩葺三載之間忠勤爲國幹理如家若築城
樹柳改南門脩長府建立各公署及節義祠皆完
美可觀非爲煩擾皆事體不容不爲者嘗自念曰

學校根本之地所宜當先而反在後者格於申請之故意見之不同耳至是始不容已乃毅然獨斷爲之則脩復之初念可償而報本之悃誠已據此心始遂且安矣未幾掄擢柄用其賢能之勩又當大書於去思之碑而有不可遏者維時承董厥功陽城三尹楊公觀光新蔡蓮幕李公瑾亦皆與有力焉以故大功告成而民不知勩工始於辛亥秋七月畢於冬十月是則工之志也已矣公字伯潔別號靜軒晉襄垣世家也與余同處三載嘗恭曰密茲特命余爲文勒諸堅石以識歲月余不敏又因以望諸後之守茲土者皆如公之志則吾道之光益永而無疆矣諸贊襄是役者其銜名姓氏皆得具書于後云

重修城隍廟碑

知縣曹溥撰

余惟神靈之在人間猶江河之行地中無所往而不在也矧城隍爲鬼神之正尤爲

朝廷之所注意者乎以故都府郡邑無不設立而每年春秋清明十月朔日必以城隍之神以主社稷

及無祝鬼神之祭焉成化甲辰余叨

命斯職以來每於朔望行香拜謁之際環視廟宇頽圯香几朽腐其像貌亦被風雨所侵不足以安神靈而供祀事余亦慨然有脩整之志但值時年荒早人民擾攘弗克遂意惟得金火匠人以成禁鍾一香爐二一留在茲一移奉

聖人殿迨至丙午年頗得收成適奉

聖旨本縣添設主簿一員以專撫民巡撫事即王公鎬迺蜀之龍陽世家也始至之時亦有翻脩之志

於是乃鳩集夫役採取木料訪求工匠出備俸資由是不踰年而廟宇頗成垣墻頗立而像貌亦皆爲之煥然一新噫雖不能山其節而藻其椽雕其梁而峻其宇亦足以安神靈而供祀事夫豈曰誇云乎哉然凡百工程余不過揔其大綱而已其朝夕區畫督理之功則王公鎬居多焉既而落成咸謂余宜序余拙於文姑據實跡以紀歲月云

城隍靈應記碑

太學生牛鉞撰

夫天下城隍皆所以捍外衛內禦災息患固有神

矣亦有靈矣求其功德之最顯靈屢禱而有應者則惟我畧陽之神焉何以驗之蓋畧陽近歷年來旱澇相仍而饑饉荐臻河水屢患而民窮盜起邑之爲患甚不堪矣息無何幸而晉陽李公遇春於嘉靖戊申十有二月來尹茲土觀斯民之困苦憫景物之荒涼憂懼不寧圖念無聊而惟斯神仰賴焉是歲冬义不雪民益皇皇移牒于神官民祈禱初三日午大雪沾足十六日卯又雪暨次年春方旱祈雨三月初五日大雨初八日止二十一日復

雨其年夏麥秋禾俱登昔者之饑民始安矣越庚戌年五月大旱祈雨未幾即于十五日雨甚滂沱六月炎旱禾苗將枯立壇虔告二日內雨即沛然秋成五谷大豐家給人足比之昔年民愈安堵神之靈感赫然顯應如此之速豈直是哉若夫民之疾苦政之愆忒默禱于神無一不應以至河水無患城郭不滄尤神之功也五谷豐稔寇賊屏跡亦神之德也今時畧邑之風回視往昔大勝百倍而庶務爲之改觀矣神之曰功曰德獨佑于善公爲

政之時豈人有諂于神而神有以私于公哉書曰
惟德動天又曰至誠感神詩曰昊天曰明及爾出
王昊天曰旦及爾游衍由是觀之則神之顯應以
錫福厥民者謂不本於公之德感而然哉是故治
下鄉耆駱璣等躬逢其盛將欲筆之於書耶或有
時而壞刻之於梓耶亦有時而隳孰若爲其記以
勒諸石耶夫若是則神之靈應既垂於悠久而公
之精誠感召亦豈寧有朽哉是爲記

東嶽行祠碑

沔州團練節度使嚴震撰

維大朝中統五年太歲甲子三月丙子朔念七日
壬寅今有漁關沔州管軍水路轉運都元帥府同
沔州長官元帥府兩司官吏軍民等切見自懼兵
火神亦莫依廟貌既殘祀典何有曩承君命禋置
沔陽雖曰有年未暇及茲歲庚申春震等乃相與
謀曰州治之北舊有東嶽故址頽敗久矣蓋往興
之即是歲之仲春念八日命工度材經之營之不
日成之宮宇翬飛三門峻立塑像粧鑿粉飾備具
凡有祈者莫不響應焉嘗謂鬼神非人不歆神而

不靈神其著矣人而不祀人自棄矣既而歲焉而
風雨時境焉而豺虎息物焉而災孽不生民焉而
疾病不作神之聽之介爾景福斯謂盛矣舊有碑
記求而弗獲厥應孔昭不容自己幸茲癸盡甲生
之歲正當否傾泰長之時相與勒諸堅氓庶可流
芳於萬世謹記

遷建南門碣

通判馬元勛撰

畧陽屬漢中相去二百八十里許古之畧州而由
更焉然其處所排列諸山而嶠峙四塞環繞二水

交流于上下是故先之名將且三築高臺于地亦
據形勝耳所以縣之肇造傍其臺而依附之也且
自古王公設險守國若縣邑之衝城郭完固于四
圍者理勢然矣矧居民未可踰墻往來必通城門
以圖保障以便出入至于門之南者拱朝

闕廷較之諸門則關係尤重焉始而計慮未周苟且
遷就向趾失宜徃徃鮮迪吉也是其舊貫不可仍
而改作不容已于是知縣李子遇春來任未幾留
心民瘼設處工石不費民財迺請于予而興舉焉

誠邑之首事也不數日則門新洞開坐對嚴正風
自南來而可濡薰和之鼓舞水流北匪而演波汎
之潏迴風水協吉氣以鍾勝槩以聚主縣之撫馭
士民之居處地方之奠安有億萬年無彊之休矣
豈曰小補之哉成功既而克終迹實不容或泯是
以用紀歲月云

江運記

唐柳子厚撰

御史大夫嚴公牧于梁五年嗣天子用周漢進律
增秩之典以親諸侯謂公有功德理行就口豐

尚書是年四月使中謁者來錫公命宿僚吏屬將
校卒士鰲老童孺填溢公門舞躍歡呼願建碑紀
德垂億萬祀公固不許而相與怨咨遑遑如不飲
食於是西鄙之人密以刊山導江之事願刻巖石
曰維梁之西其蔽曰某山其守曰興州興州之西
爲戎居歲備亭障實以精卒以道之險隘兵困于
食守用不固公患之曰吾嘗爲興州凡其土人之
故吾能知之自長舉地至於青泥山又西抵于成
州過栗亭川踰寶井堡崖谷峻隘十里百折負重

而上若蹈利刃盛秋水潦窮冬雨雪深泥積水相
輔爲害顛踣騰藉血流棧道糗糧芻藁填谷委山
出馬群畜相藉物故運夫畢力守卒延頸嗷嗷之
聲其可哀也若是者綿三百里而餘自長舉而西
可以導江而下二百里而至昔之人莫得知也吾
受命于君而有斯人其可已乎乃出軍府之幣以
備器用卽山餽功由是轉巨石仆大木焚以炎火
沃以食醢摧其堅剛化爲灰燼畚鍤之下易甚朽
壞乃闢乃墾乃宣乃理隨山之曲直以休人力順

地之高下以殺湍悍厥功既成咸如其素於是夫
去壅土䟽導江濤萬夫懽忻莫不如志雷騰雲奔
百里一瞬既會既遠談爲安流丞徒謳歌枕卧而
至戎人無虞專力待寇惟我公之功疇可侔也而
無以酬德政其大願又不可得命矧公之始來屬
當惡歲府庾甚虛器備甚殫饑饉昏禮死徙亢路
賴公節用愛人克安而生老窮有養幼乳以遂不
問不使咸得其志公命鼓鑄庫有利兵公命屯田
師有餘糧選徒練族有衆孔武平形議獄有衆不

黷增石爲防膏我稻梁歲無凶災家有積倉傳館
是飾族忘其歸扛梁以成人不履危若是者皆以
戎隙師士而爲之不出四人之力而百役已就且
我西鄙之職官故不能具舉惟公和坦直方廉毅
信讓敦尚儒學抑貴倖率忠與仁以厚其誠有可
以安利于人者行之堅勇不俟終日其興功濟物
宜如此其大也昔之爲國者惟水事爲重故有障
大澤勤其官而受封國者矣西門遺利史起與嘆
白圭壑隣孟子不與公能夷險休勞以息萬代其
功烈尤彰焉不可蓋也是用假辭碣工勒石存之
用永憲于後祀

棧道銘

宋歐陽詹撰

秦之坤蜀之艮連高夾深九州之險也陰谿窮谷
萬仞下奔崖峭壁千里無土亘隔呀絕峽冥冥麋
鹿無谿猿猴相望三代而往蹄足莫之能越秦雖
有心蜀雖有情五萬年間復不相接且秦之與蜀
也人一其性物同所宜嗜欲無餘門教化無餘源
可習憑可親昵擘圻地脉睽離物理豈造化之意

乎天實凝清而成地實凝濁而形當其凝也如鎔
金下鑄騰雲上浮空隙其所不開迴翔有所不合
澄結既定竅缺生乎其中西南有漏天天之竅缺
也于斯有茲地地之竅缺也天地也者將以上覆
下燾含蓄萬靈可通必使而通者也苟有可通而
未通則賢代其工而通之故有爲舟以濟川爲梯
以踰山惟茲地有川不可以舟涉有山不可以梯
及粵有智慮以全玄造立巨衡而舉追氏繩懸纜
以不梓人猿垂絕宜鳥傍危岑鑿積石以全舟梁

半空于未用斜根玉壘旁綴青泥截斷岸以虹矯
遶翠屏而龍蹠堅勁膠固雲橫砥平摠庸蜀之通
途統岐雍之康莊都邑之能步山川之蕪徑若水
決防如鴻嚮陽南之北之踵武湯湯躋我以自若
臨蒼蒼而不懼繇由贄幣以遙達人神以會同稽
禮樂之短長汗隆可王者王可公者公而相吹以
風或曰受球之石長存可構之才無窮易剏代崇
斯道也未始有終嗚呼爲上懷來在乎德爲下昭
德在乎義德義之如今日則或人之言有乎其反

之則石雖存恐不爲琢材雖多恐不爲構想夫往
昔有時而有有時而無是用惕惕天下蚩蚩知聖
賢創物之意之人寡明德義固物之道之人稀敢
陳兩端之要銘諸斯道之左庶主德義者存今日
之所履踵武湯湯荷古人之攸作銘曰

天覆地燾本以同設大象難全或漏或缺損多益
寡聖賢代亡彼雖有缺與無缺同維北曰秦維南
則蜀地缺其間坤維不續斗起斷岸屹爲兩區秦
人路絕蜀火燧孤天實不通賢斯有造鑿堅剡勁

無蹊以通若川匪舟若陸匪車緣危轉虛步驟交
如構雖在功存亦由德項拂劉怒旋見以踏墮落
我營自顛而植地非葦勢材不易林培植以致惠
怨之心勿謂斯道可久禮不以禮可有而無恭不
以恭可無而有創之之意如彼固之之理若茲彼
之不易茲而易知勒銘道左其同我思

遊寺記

郡丞張良知撰

嘉靖辛丑余丞佐天漢爰省志牒久懷靈巖名刹
冀一登眺歲乙巳暮春朏日部臨畧陽公餘縣尹

白子桂州倅張子鎬請遊茲宇明發天偶雨余衆
弗憚以爲覽勝無緣已而大霽遂挈舟噴流抵山
麓登岸步彳而升捫蘿攀蹬行一里許斷崖中以
古木斜支爲徒杠乃手循巖巔拉吏側足而過又
盤轉一逕躋大陂入珠林巨巖空邃瑤宮構其腹
金闕畫廊宏敞頭豁果爲奇絕南有玄洞石梁中
擎幽深巨測傳云路可通仙逸左巉岩削立層曲
中靈泉如乳髓點滴釋子即石闢曲道引流流洞
達佛像之下出焉疾者得飲之可愈故曰藥水巖

昔人愛其峯之峻拔多留題於上爰扶吏剔辭
讀然時遠班剝半不可句白尹邀予少憇乃登
於碧殿之前時過午即不見日蓋山高西障此畧
陽之得名飯既復由藥水岩渡高窰抵羅漢洞
之巔觀邠閣漢銘字畫奇古宋太守田克仁慮其
漫滅摹刻於茲存古之雅不可泯也僧人又請遊
前軒軒瞰大江憑欄俯視波光澄練有若一線兩
峯對峙翠色欲流水山相映蒼玉交輝乃知山靈
有覺欲壯奇觀天之即雨即霽若或助其精爽矣

余與二三子之遊信不偶也徘徊久之暮光倏合
從人告旋仍淑舸而歸回首金岫雲封迷望不知
處所矣司訓李元傑鄧騰雲咸爲不可無言予乃
賦得古詩一章并叙此以絕一時之勝云

遊靈巖詩序記

宋鮮于洗撰

熙寧三年秋中澣鮮于洗行部偶公暇與大寺虞
曹卽李茂先晉弼僉幙殿省丞文紳公儀遊藥水
巖精舍舟南下數里乃並岸登山腹又數百步有
一巖環覆可拾畝佛宮構其下崖壁成呀石色似

竇竒怪不可名品像殿之前有一軒瞰臨谿山俯
仰可愛又東行迄邐由巨行間石脉出泉泉玉色
如乳云飲之可蠲疾又數十步抵小巖巖修數丈
廣三尋中有一石柱承載巖崖殆非耳目所聞見
也其後有洞穴云昔人嘗誤入其中行數里見川
源花木如桃源之遇或憶其家遂恍然卻行迷失
處所予愛其境物之異徘徊久之因爲詩以寄郡
寮且記此山之勝事云

翠峯亭記碑

唐太守房武撰

我皇帝道高前聖德邁三皇天下晏然四方無事
朝廷清謐常思鸞舞之儀宮苑歡娛每賜春遊之
賞天恩廣備錫賚見霑每日飛觴求諸勝地武興
泉石觸目驚人况卜良遊自須奇紀順政遊勝郡
南十里山嶂重復絕壁于雲綠水澄灣清冷見底
崗巒隱映蒼翠難攀雖王犧之之蘭亭未足云比
石季倫之金谷豈可同年武叨叅萬民常沾宴賞
同諸英鎮盡日歡娛銘曰太原王姓河南人名震
字叔仁宋嘉祐歲壬寅尚書中郎守武興郡四境
山嶙峋構新亭迺宿曰翠峯景寔真唐天寶房使
君上錫宴刊鑿翠亭之石於不泯

郝閣銘碑

蔡邕撰

惟斯析里處漢之右谿源漂疾橫注于道涉秋霖
鹿盆溢深溝濤汲滂沛激揚絕道漢水逆瀼稽滯
商旅路當二州經用所沮沮縣甚久或給州府休
謁往還恒久日晷行旅咨嗟郡縣所苦斯谿既然
郝閣尤甚馮崖鑿石處隱定柱臨深長淵二百餘
丈接木相連號爲萬柱過者愕啼以載乘爲常事

以迎布爲遭遇隕納人物俱情沉沒洪淵酷烈爲
禍無窮自古迄今莫不創楚於是太守漢阿陽李
君諱會字伯都以建寧三年二月辛巳到官思惟
惠利有以綏濟聞此爲難甚其日久矣嘉念高帝
云開石門元功不朽乃俾官掾下翔仇審改解危
殆即便來隱析里大橋於爾乃造校致故堅故巧
雖百魯班又莫擬象又驛散門之漸潔從朝陽之
平煥咸西閣就安寧之石道禹導江河以靖四海
經紀厥績艾康萬里巨石不浚乃作頌曰

降此惠君克明峻德允文允武躬儉尚約化流若神
教民如均精通皓窮三納并銀所歷垂勲香風有
隣仍致瑞應還稔以樂行人夷欣慕君靡已乃詠新
詩曰川之之間高山崔嵬兮水流蕩蕩地既壻確兮
與禹爲鄰析分邨閣告續業兮至于困貧危危累
卵兮聖朝憫憐救傾兮金育子遺劬勞曰稷兮惟
惠勤勤克庶兮百姓歡欣僉曰太平兮文翁復存

南祠靈籤記

僉聽馬寅仲撰

神人相依尚矣人以精神禱於神神以受命應於

人疑而卜卜而契若合符節神之靈也漢文帝久
不見曾坐而夜半虛前席乃問鬼神之事子不語
怪恐學者之易言耳沔州氏羗故地也民主揚氏
顯於晉宋之間以武畧經世而飾以文事威靈氣
燄建今千有餘年而不墜天地之所造化山川之
所盤礴含英毓秀固宜若此沔舊有廟而隘自並
歲始拓而大之是爲南祠枕山據江面勢甚偉祀
事駿奔神靈益彰隆名顯號

朝廷不恤也廣漢章寅之世家詩書萬里遊吳從荆

湖宣威府郡置上功輔右職本朝石曼卿亦以三
班奉職筮仕前輩不以為嫌也歲癸酉爲畧陽尉
冬十月境有劫盜殺人而取其資欲掩其跡地濱
大江則舉其屍而投諸水尉謹䟽既獲盜矣而屍
不獲而沔守觀察使王公委之橋閣趙鼎保義沿
江撈撻數百里至三日水寂無見則還以白守曰
屍在山不在水也守俾搜山旬日弗獲懼甚乃以
誠懇于祠乞靈示籤詞云心陡狐疑事悵然佇看
波息渡平川有求見獲尤端的六畜孳生報有年

尉得之驚異遂以白守以戎師乃以屬之軍峻其
令而厚其賞不數日得於江之南園溪距城十五
里也異哉神之應人也尉以搜山不能得而籤之
旨意乃在水而不在山未幾於水得之東海婦寃
三年苦旱今死者獲而刑以明有年其報也尉以
其事告于寅仲序而藏之廟宇神聰正直而一之
者也神依人而行非尉之誠無以感於神非守之
明無以察其事非神之靈無以昭其報是三者皆
可牽聯得書乃併書之

城隍新廟靈應記

太學生賈言撰

城隍新廟故廟也故廟曷曰新曰以其故之辱也
復脩之若新焉曷曰故之辱曰城隍在縣南街右
廟址狹隘殿廡朽爛神象剝落前令院公清胡公
邦彥先後捐俸爲之重修開闢基址殿兩廡門廊
垣墉較前加美奈何歲月既久淫雨浸壞斯爲厥
廟壞哉嘉靖戊申冬襄垣李公遇春由鉅野丞
欽陞來牧茲土滌篆之初首以新廟爲務于是捐俸
卷率卜青鳩工不日而成則正獻二殿窻軒棟門

煥然一新故曰新焉曰城隍神靈素也素靈曷曰
應曰以其前之不及見也今印之而應焉曷曰前
不及見曰本縣城隍靈驗嘗考歷代兵變不一畧
爲宋金相據之衝遇守則有功攻城則不按功德
被乎生民祀禮行于前代惜乎斷碑殘文事跡鮮
紀迄于今不及見矣邇自丙午歲以來兵荒相仍
早潦交作民不聊生邑侯李公憫念民瘼輸忱布
悃禱雨雨降祈晴晴至求雪雪臨以致五穀豐登
家給人足盜賊屏息途不拾遺庶務爲之改觀而

神之靈應跡如也故曰應焉鄉耆王仲先等詣予
曰本縣城隍廟今縣主捐俸重修而神之靈應昭
然與其播諸人口孰若勒石傳後仲先等相與求
記刻石以垂不朽可乎予曰神有靈則常書人有
功則當紀此天下之通典今昔之定論也神之有
益於人人之崇祀乎神亦多徃徃殊不知神之靈
由人之德之誠感之也書曰惟德動天又曰至誠
感神今城隍之靈蓋由公之秉心正直持守廉靜
精誠對越默與神契是以屢禱屢應而無背馳也

然則神之靈人之功容可不勒諸石傳諸後以爲
將來令茲邑者之則效也耶且爲之銘曰
赫赫城隍丕著德威鑒察善惡虛靈洞徹城而且
高隍而且深保障畧邑自古及今李侯承命治人
事神重新廟貌隨感而應紀功刻石永保斯民
祭孫公節義祠文

維

嘉靖某年歲次某甲某月某朔越某日漢中府寧
羗州畧陽縣知縣某等謹以牲醴庶饗之儀致祭

于

勅封光祿少卿孫公之神曰惟神修築畧城保障一
邑之黎庶禦賊身亡節全萬代之芳名祠宇傾頽
而再葺祀典湮沒而重新忠魂凜烈神其如在某
等云築成庶品用伸常祭

尚饗

卷之五終

畧陽縣誌卷之六

畧陽縣知縣晉襄垣李遇春編輯

太學

生李東甲校補

古今詩集

唐鄭谷武興州詩

向蜀還秦計未成寒蛩一夜透來鳴愁眠不

穩孤燈盡坐聽嘉陵江水聲

杜甫夜聽嘉陵江水聲

鑿崖溢奔湍稱古神禹跡夜喧山門店獨宿

不安席水性自云靜石中本無聲如何兩相
激雷轉空山驚胎之道門舊了此物我情

飛仙岩詩

土門山行窄微徑綠秋豪棧雲欄干峻梯石
結構牢萬壑歎踈林積陰帶奔濤寒日外淡
冶長風中怒號歇鞍在底地始覺所歷高往
來雜坐卧人馬同疲勞浮生有定分飢飽豈
可逃嘆息謂妻子我何陋汝曹

朱鮮于侁遊靈巖

千峯環郡宇水遶城堞每憐山水佳况復門

巖數穴川流數里近放棹攀戴冥靈巖駭神化

環陰數畝閭何人營佛祠棟宇殆天設前軒

瞰谿山眺聽心耳豁徑穿巨川下碧玉聳高

節消流瀉石硤玉乳甘且潔其東方小巖洞

戶敞深徹嵌巖覓石柱任重立精鐵昔人偶

貞仙相携梳金闕川平聽雞犬始覺人世別

屈曲沿清谿桃花正開發塵緣念鄉縣歸思

苦弦苦寤寐瞬息間巖扉已嚴鑄時遷筆陵

谷事勝存圖牒獨有滄江流清宵鑒明月
來秋少季氣象頗凄切草木自變衰山花常
發活清輝飢賞適異景差勝絕薄暮上歸艤
依然望林越

王龍學

古寺山垆遠躋攀一徑斜洞深留碧靄溪急
瀉晴沙殿接崑松影堂鄰野客家謁僧詢世
事無語指燈花

蘇欽

高峯峭壁近江城曉日浮舟蕩漾明並峙幽
巖雲外邃明來嘉客坐間盈冷冷迸石甘泉
冽馥馥襲人和氣生此景此遊俱勝絕詩壁
仍仰萬人英

秘書監丞劉異

藥水標題不記年奇花深洞舊通仙山迴
廡常遮日境絕纖埃別是天碧照東西江浩
渺綠迷高下竹嬋娟凭欄周覽脩然靜金條
香殘一炷煙

太守會稽盧剛靈巖感懷

摩娑石刻拜方輿誤國從初恨老秦十六州
歸仍遺虜百餘年事語誰人出師表在今如
始墮泪碑存舊似新江水江花豈終極風光
一任轉青春

推官富言上

聞說靈巖境最幽乘閒艤棹共追遊飛泉翠
滴半空雨古樹陰連萬壑秋縹緲香烟籠梵
榻嵯峨山勢枕江流登臨眺望關河遠惹起

思鄉戀國愁

歐陽詹靈巖述舊

不到靈巖又二年重來風景尚依然層巒迥
出晴霄外倦鳥歸飛夕照邊坐愛雲林泉石
好行尋煖谷野橋連周遊不覺天將晚暫借
僧房一榻眠

僉事王經靈巖紀勝

靈巖竒絕俯林壑梯上層巒步一停朔意難
欺芳樹色佛頭濃抹遠山青半泓藥水瘳民

疾兩破雲峯展翠屏
壯我客懷瞻劍閣
寒鳥飛處見蒼冥

李茂先同太守虞曹郎文紳儀遊

靈巖偶得片時留
傾倒清尊與未休
香積尋常分藥水
禪林自昔枕江流
羊腸盤轉層崖險
山腹空懸古洞幽
談笑相違情更厚
何當携手約重遊

文紳儀

一入靈巖寺
凭欄望眼遙
山深雲障日
江闊

夜生潮古洞遺仙跡
流泉傍石橋醉來搔首
咏得句與偏饒

虞曹郎

禪林高聳倚晴空
梯上層巒紫翠重
雲氣下成風
雨陣嵐光高接斗
牛宮流泉藥水瘳
民疾古洞神仙有
路通竊欲捫蘿登
絕頂細將民隱達
天聰

皇明副使梁觀題峇陽疆域詠

四壁嵐光接水光
凭高盡日看舟航
一蘆花

影闌公署滿色笙歌樂醉鄉水陸雲煙通蜀
沿官民風化樂寰惠融融曉日塔前色何事
當時號畧陽

副使劉瓚述嘉陵風景詠

翠壁嵐光雨後鮮
峩峩如畫碧連天
漁翁坐釣江邊月
斂客舟浮水上仙
官味一盞羨石芥
民生三飯種山田
雨暘時若天邊惠
願沛民逢大有年

副使李昆駐節分司詠

萬點青山似奕碁
滿江雲碧影漣漪
分開日色山難掩
流盡年光水不知
草綠庭前公務少
民安田里政聲奇
萬紅香細蕪堆翠
不覺怡情去魯遲

副使伍福分司夜坐思遊靈巖詠

小舟如箭下寒江
駐節嘉陵夜漏長
灘挾風聲驚夢醒
山霏嵐氣到窓涼
星臨輿鬼抵藥
分語似巴渝
近蜀鄉藥水有崖
靈跡在擬分
一勺沁詩腸

次日遊靈巖紀事

駐節來尋邨閣銘欄羅風磴扣禪扃萬年古
洞神蹤異一脉寒泉藥水靈恠石亂垂龍瓜
黑竒峯秀矗佛頭青滿天涼籟塵心滌蕩漾
歸舟月照汀

通判張頌題嘉陵夜雨曉晴

雲起山頭靄四方晚山無處見斜陽虹吟雨
意寒先覺兔掩秋光夜未央急水偶從崖上
落驚鷺濤立聽耳中忙曉來誰遣重陰退隱隱

陽和入畫堂

巡茶劉侍御駐節峽口驛

停驂峽口驛饒望面前山入暮嵐光淡弄春
草色斑流泉聲汨汨啼鳥語闌闌萬物皆欣
足一官獨未閒元宵事奔走明月計循壞良
夜或虛度題詩一解顏

畧陽道中

迢遞畧陽道山行又水行雨滋石磴滑風送
席帆輕船聲臨湍急梅花近水清氤氳山氣

合瞻謫隴雲橫木子東園裏時聞弄笛聲

六言四首

挂棹衝開濤浪馬蹄踏碎烟雲綠水青山常
見金壇玉洞空聞

白水遠天來際青峯近揮雲中一曲山歌樵
子半簑烟雨漁翁

淡淡濃濃遠樹重重疊疊高山塞外征人未
返天邊倦鳥飛還

石蹬高低道路茅菴遠近人家山靜時聞啼

鳥江空喜見梅花

白水驛

夜渡白水泥正滑曉啟朱扉雨初歇春禽枝
上鬧春風殘月山頭照殘雪

通判朱綱遊靈巖詠

誰運神工霄漢間鑿山成洞不知年長江跨
谷龍蟠霧峭壁依林虎卧煙石蹬高盤雲影
外玉泉遠淺佛龕前登臨頓覺消塵癖恍惚
疑身在九天

一江盤曲萬山間，登賞移時是樂年。
傳聞空恒隱霧靈巖，懸閣又吞煙林深。
散步蒼雲下，泉暗分池古洞前。
此夜停舟莫歸去，好陪星斗共青天。

林靜山幽梵宇間，羊腸狹道喜躋攀。
雲中高聳巖千尺，天外流通水一灣。
鳥到翅搗星宿過，仙遊仗挑月明還。
地靈果見來人傑，擬泛浮槎牛女間。

知縣白桂註節硤口驛詩

百里河山盡日程，春風到處馬頭迎。
幽人自適追龐古，野老迂徐道姓名。
髮白未妨心上赤，酒酣愈覺眼中明。
思親午夜情千種，雲鎖天涯夢不成。

致仕拙菴賈文琮同縣尹二杉白桂遊靈巖

暫繫官舟硤水邊，危峯壁立費攀緣。
金仙幾見山頭日，石柱孤撐洞口天。
用世客來宜覽秀，傳燈僧老喜談禪。
追陪英俊酬清賞，未報君恩愧暮年。

同知張良知

絕壁開千仞寶刹通玄靈
幽勝夙有慕頻年
役浮名公餘艤江掉微雨欣暫晴
丹梯陟雲
膚披竹叩禪局玉柱擎巨崖瑤宮自天成
閣抱烟霞邃林蟠日月冥
樂水傳神異清冷濯
塵纓梵流玉樹發香繞
雨花零長虹飛窈窕
丹洞宿靄橫偷然超物表
心境寂以清登覽
與未極落日暗雙旌

通判任企賢遊靈巖詩賦

賞春江上泛仙槎
重到雲栖老衲家
坐浣綠
煙分岸草行衝紅
雨落山花
毫揮短策詩懷
壯甕吸長竿麪味
嘉日閣危峯天欲暝
篝燈
遙望候汀沙

抱璞辭荆麓分麾倅漢涯
野橫民作殍山聚
盜貽羅震迅臺端
撒雲屯閩外師三驅綏順
命一怒積僵尸
喙虎潛收吻村龐
卧長鬣甘

崇陪杖履

時倅寮馬
掛庵撫此

細柳駐旌旗

衛神秦湯
泉王曲水

鎮此
所主

東閣開
雖迥南樓興
自奇
搯携兼市味

舟泛界江涓欸乃長歌發鏃鏘小隊隨尋芳
春欲半濟勝具偏宜客憇依金相僧迎藝王
隄谷傳聲遠應崖蝕句多疑兩檜團清影三
櫂挺勁姿洞虛危結石湫冷曲通池向咲花
開綴馳青草陸離博亞煙霞薰道骨簫鼓動
吟脾擁矢投方甕敲碁賞巨窰劫塵閑半日
風月遶新知文武雅同趣豫遊聊及時四郊
多設壘千里定悲岐樂意難常遂奇逢似夙
期觀風容吏隱近日荷 君私勝地來時重

指三君子浮生達者誰慢遊非美事借樂是良規
寄語湖山主公餘試再思

副使雲江錢泮五月巡畧陽山途雨霽
萬峯雲淨雨初收硤口蕭森路更幽綠遍水
田柔柘沃翠連山郭室廬稠花含潤氣迎征
旆風進清涼沁葛裘盈室喜占秋有望不徒
樽酒釋先憂

都御史可泉胡績宗挽孫尹節義詩
廟因赤子圖形立碑爲忠臣賭命開感慨客

懷扶水哭顛危人抱畧山哀

僉事郭從道 和可泉顛

忠魂飄落知何處化作愁雲鎖未開惟有嘉

陵江上水涓涓不盡古今哀

致仕賈文琮 和前顛三首

惟知取義求無愧不恤顛危膽氣開尚樹旌

忠碑廟在邑人猶望峴山哀

猖獗虜勢真難禦城為力窮始陷開就死如

常今來許丹心照汗復何哀

從容就義全忠節華袞褒封特地開縹緲忠

魂何處去登臨堪嘆亦堪哀

知縣李遇春 和前顛

忠精貫日奇今古一夕成仁正氣開從容就

義真男子烈烈轟轟豈怨哀

平生氣節當年立萬代綱常自此開長江怒

浪為君恨枯木寒鴉總是哀

雜顛二律

節義祠前碧草秋孤忠凜凜寄山立千年家

國餘光在一策乾坤正氣收

勅建祠林鶴後世官褒卿相勵前修行人濺淚多懷
恨訴與長江萬古流

殘碑獨立廟荒幽血食山城路畔頭墻外野
雲依樹渡橋邊曲水抱祠流深恩已許存生
氣遺恨難消貫斗牛晉代人英雄並伍雲山
江水共悠悠

致仕劉儀

和可泉顛

賊兵環聚如蜂蟻分守東門未肯開無限愁

懷書不盡江聲日夜爲君哀

監生李東甲

奉檄城畧日東門分守時群敵頻西聚孤旌
遠邑馳萬口呻吟苦一身力莫支慷慨忠君
志從容就賊肢

監生賈言

和可泉公前顛

功名初向扶風立義膽時逢畧水開一令尚
能思報

國干城之寄不須哀

雜韻五首

職盡文節死盡忠人人誰不羨若公一時節
義傳千載廟祀無窮古寺東

節義何須論古今事君委質即爲忠文節實
見生無益死向鋒鏑報

國榮

僧軒東畔一亭幽碑上心懷爲

國酬身死名芳英氣在夜深還見劍光浮

碑樹當年爲節崇祠壁詩詠泄哀情英魂自

是成仁者愧殺奸雄誤國人

當初只說巡遠死孫尹誰知節亦崇慷慨捐

軀輸報

國青書誰不道英雄

孫公祠廢日又邑侯靜軒李公重修綠可泉公

前韻紀事

李東甲

祠宇傾無立懷抱向誰開自此更新日夜後

復何哀

節祠久廢誰人立愁鎖天涯向那開幸際仁
心先及此九原安後復何哀

新作南門詠為邑侯李公紀事

致仕張傑

鉅野嘉聲動

帝高遷來牧畧任經勞南門新作出人意公府何曾

損一毛

致仕何洋和前

捉脉尋龍手段高賢侯為

國不辭勞功成名播垂不朽池上還看有鳳毛

致仕王仲傑

賢牧經勞建午門畧城自此得長寧誰人為

紀竒功事上考應知譽不輕

知縣李遇春遊靈巖

春深遊賞正開花淺白深紅夾路遮疑是天

生摩詰畫恍如身入武陵家竹嶺翠深添景

色桃源紅爛妬韶華停驂且向林泉看真是

源頭活水涯

縈紆曲徑盡山花
漏洩春光不可遮
羅漢洞中泉漱玉
梵王宮畔樹成家
衣襟濃染煙霞氣
語笑香薰草木華
綠樹青山江水繞
禪林美景樂無涯

教諭曹子濂遊靈巖

和前韻

白水風濤噴雪花
半岩深處幕天遮
宏容梵剎敲鈴語
谷列僧房賽大家
仰視石雲新樣巧
週迴曲徑物偏華
龍淵即此非聞得
高外

無人更有涯

訓導曹鑾

和前韻

古寺春遊多野花
崔巍山勢面前遮
清泉細細來幽谷
瑞靄重重映野家
五筇相傳樂會聚
壺觴交錯醉韶華
同舟冠蓋歸來晚
猶說今朝與未涯

景陽八景

靈巖夕照

靈峻雨聲

北堡文鵠

丙穴嘉魚

白崖樵唱

寒蓬積雪

明水拋珠

藥水療疾

卷之六終

重脩畧陽縣誌跋

余惟邑之有賢宰猶國之有賢相宰寶圖誌以治
分土相寶圖籍以治弼服其氣象規模雖勢不能
無廣狹而旬治區畫其致一也

邑侯李公重脩畧陽縣誌則其圖書兼舉義例精
到綱紀較若畫一舉而措之天下亦猶是耳公所
具者遠大之圖而豈屈於邑宰之任也耶東甲與
賈友言辱知公門辭弗能却迺應嘉命協心校補
尚冀刻梓以與知言知德君子共之後之欲崇公

之勲烈者其亦仰止云爾

嘉靖壬子歲仲秋吉日太學生李東甲謹跋